

清·翁方綱撰

廣文書局印行

續書目通志
義堂

經考補正
解目錄

經義考補正·通志堂經解目錄序

清秀水朱彝尊撰經義考三百卷，每一書前列撰人姓名、書名、卷數，其卷數有異同者，則注某作書幾卷，次列存、佚、闕、未見字，次列原書序跋，諸儒論說，及其人之爵里。彝尊有所考正者，即附列案語於末。（四庫全書總目卷八十五）博徵傳世之書，識其存佚，提衡衆家之論，判厥醇疵。見淺見深，咸網羅而不失，識大識小，悉隱括以靡遺。論說有資於考鏡，見聞可藉爲參稽。較陳振孫之解題，更加繁富，比晁公武之書志，尤覺精詳。（卷首盧見曾進書表）上下二千年間，原原本本，使經傳原委，一一可稽，可云詳瞻矣。（四庫提要）故清毛奇齡序其書云：「非博極窮書，不能有此。」皆非溢美之辭也。

然草稿粗定，即以次付梓。其宣講、立學、自序四種及補遺，屬草未具，不幸遭疾。（卷首朱稻孫識語）故其書亦頗有闕失。

序跋諸篇，於本書無所發明者，連篇備錄，未免少冗，一也。隋書經籍志，凡於全經之內專說一篇者，如易類之繫辭注，皆與說全經者通叙前後，俾條貫易明，後世宗之。經義考乃以專說一篇者，附錄全經之末，遂令時代參錯，於例亦爲未善，二也。所註佚、闕、未見，以四庫所錄校之，往往其書具存。三也（以上四庫提要。按四庫未錄而其書尙存者，又復不少。已佚而清人有輯本者尤多。）爾雅類下，宜列訓詁、六書諸目，（翁方綱經義考補正

序）四也。所著錄諸書，有不詳其所自來者，使人覽之茫然，於例亦不純一，五也。今存之書，往往但載史志及前人目錄所載卷數，又書名或與今傳本不同，卷數與今傳本或異，或尚存之書失記卷數，或不分卷之書多至數百葉而誤作一卷，或誤以篇爲卷，或撰人名字仕履有誤。（羅振玉經義考目錄序）六也。朱氏引書，皆現存者，惟阮孝緒七錄已佚，而僅見於隋書經籍志注文，稱『梁有某某書卷若干』者。而朱氏皆直書七錄，一似七錄至今存者，似有未合。然據法應著『隋志著七錄云云』，方合於例，而其亦繁累無取。且此事本亦人所共知，朱氏不爲欺人。（章學誠史學考釋例。按朱氏引書，如崇文總目、直齋書錄解題等，亦已亡佚，而當時又無輯本，當係引自文獻通考經籍考，俱不加說明。雖云不爲欺人，究亦不足爲法。）七也。序跋固多附載本書，亦不乏錄自文集或他書者，而俱云某某曰，不明其出處，八也。所著錄之序跋，或刪其歲月。（翁方綱復初齋文集卷三十二跋竹垞文稿。琯按經義考所引序跋之年月，刪落殆盡。蓋朱氏於序跋實多未能錄自原書，而頗自他處轉鈔，年月不可悉考，如文集所載序跋，即每無年月，因並可知者亦刪之。蓋其例使然，非如翁氏所言「小吏鈔胥之脫漏」。）九也。元明以下，或僅據書目甄錄，並序跋亦未多載，十也。（鄭堂讀書記卷三十二）。

經義考既未盡善，後人遂頗思補正。清謝啓昆之小學考等，自成一書，卷帙亦富，固無論矣。（章學誠撰史考釋例，用謝氏語，故有「予既爲朱氏補經考」云云。）四庫提要等書

目於引用經義考時，亦每指陳其闕失，亦姑不計。其撰爲專書，文獻可徵者，計有：沈廷芳（見杭州府志、隱拙齋詩文集、東湖叢記），馮浩、朱休承（俱見國朝未刊遺書志略），錢東垣（見嘉興縣志、鄭堂讀書志、書目答問），林國廣、陸茂增、胡爾榮（見杭州府志），翁方綱、羅振玉諸家。然多未見傳本，僅翁、羅二家之書存。

翁書名經義考補正，凡十二卷，其次第一依經義考，卷首有目次。其書頗引史志及諸家書目，考其異同，賈公彥周禮疏條云：「應將公彥序略曰以下三十一行刪去，另載公彥序周禮廢輿一篇於此。」春秋古經條指陳朱氏所引王觀國說自相矛盾。杜預春秋釋例條補錄劉賁序。程公說春秋分記條云：程氏著有左氏始終三十六卷，通例二十卷，比事十卷，竹垞未採應補入。卷十一、卷十二據金石增補者尤多。如朱氏于隸釋、隸續所載石經，刪去其殘字而引其跋尾，但殘字既不載，則跋尾亦無從考證。故爲之補入。凡此俱足有功於朱氏書。

李慈銘越縕堂日記云：「閱翁方綱朱氏經義考補正。竹垞之書，捃摭繁富，誠不能無舛漏，補正之事必不可少。惟覃溪實不知學，僅一二訂其卷數錯誤之字，篇帙寥寥。而時闡入其詆訾近儒，皮傳宋儒之謬論。蓋覃溪初亦依傍漢儒，思亦以考據自見。既而碩學輩出，其陋日形。又爲戴東原所譏，遂老羞成怒，逞臆妄訾。於是罵朱竹垞，罵紀曉嵐，罵阮芸臺。及陳恭甫致書直爭其失，而覃溪底蘊全露，而覃溪亦老不可復爲矣。是書自言本與丁小雅共爲之，其中小有補益，當出小雅之手也。」（同治癸酉五月二十九日）

翁書誠多片言隻字之訂正，李氏詆訾方綱，亦頗言過其實。且補正經義考者多家，所存者羅氏校記篇帙尤少，惟翁書最早且較詳。書成乾隆五十七年自刻於蘇齋叢書中，後又刊入粵雅堂叢書第六集，叢書集成則以鉛字排印。茲據粵雅堂本影印，列入書目續編。卷首有乾隆五十七年自序，卷末有道光庚戌伍崇曜跋。

據自序翁氏於丙申（乾隆四十二年）錄存丁杰所考數十條。後三年又得門人王聘珍相助。書中丁杰按、聘珍按諸條是也。復初齋文集丁小雅傳稱，嘗補正經義考序尾年月，其事未成。

納蘭容若輯刻通志堂經解，收宋元人解經之作百六十種，何焯手勘其目，方綱因時有以不全本別爲目錄以眩人者，故就其原刻次第，略敘原委，錄爲目以備檢查，據自跋云曾與丁小雅共相商榷。足與經義考相發明，亦刻入粵雅堂叢書，今一併印行。

方綱字正三，一字忠叙，號覃溪，一號蘇齋，順天大興人。幼年家貧，年十二補府學生，十五舉於鄉，二十成乾隆十七年進士，選庶吉士，散館授編修。典試江西、湖北，二十九年督學廣東，歷三任八年。四十四年，典江南鄉試，擢司業，遷洗馬。五十五年，扈蹕山東，擢內閣學士。嘉慶元年，與千叟宴，四年左遷鴻臚卿。十九年又預瓊林宴，賜二品銜。二十三年（公元一八一八）卒，年八十六。

方綱擅書法，乾隆十九年，與朱珪、盧文弨等奉詔寫詔明文選。其目力過人，至老不衰。

，每歲新正於十粒芝麻上各寫四字，至卒之年不輟，然寫至第六粒而目力頓耗，遂於正月二十七日卒。生平精心汲古，博覽多聞，尤精於金石之學，抉摘精審，剖析確當。著述甚富，有兩漢金石記二十二卷、粵東金石略十二卷、蘇米蘭亭考八卷、復初齋文集三十五卷、詩集六十六卷、蘇詩補注八卷、米海岳年譜一卷、元遺山年譜一卷、多收入自刻之蘇齋叢書。

丁杰字小雅，浙江歸安進士，王聘珍字實齋，江西城南拔貢生。

民國五十七年歲次戊申二月二十日喬衍琯識於望雲樓。

書目續編序

「書目叢編」凡收書目二十種附一種，二百二十二卷，內不分卷者一種，原書都一百三十餘冊，經影印重裝爲六十二冊。庋藏查閱，咸稱便利。問世以來，或蒙指陳闕失，冀有改進；或謬加稱許，以示勗勉。而均以吾國有價值之書目尙夥，宜擇其實用或希見者，再爲編印。並有指示途徑，惠假藏書，俾成績編者。雅誼盛情，至深感荷。

初編所選，以（一）有解題，（二）綜合性者爲限。又格於原書通假不易，除千頃堂書目外，實多偏重於舊本之考訂鑑賞，爲用不宏。然係清初以自近世所藏，雖亦間有亡佚，而今有傳本者則夥。且宋元舊槧，屢經覆刻影印，尤便卽目求書，或取書與目相印證。

續編所選，範圍較廣。約而言之，可分數類：

宋代公私藏目四種，宋人藏書，不似明末以來之藏家偏嗜舊本，重於賞鑑。足資辨章學術，考鏡源流。或其書今已亡佚，猶得藉以窺見著書旨意，或書有僞託，得憑以判別真贋。是以清人簿錄之作，如經義考、四庫全書總目等屢加引證。其重要可知。

明清以迄近人公私藏目八種，亦多重於善本之考訂鑑賞，以補初編之所未備。而或彙錄前人序跋題記，或兼詳撰人生平，著述大旨。揆其功用，方之劉向別錄、紀昀四庫，亦無多讓。

學科書目六種。史乘書目，網羅一代或數代著述，譌舛遺漏，勢所難免。藏書目錄，但求搜羅廣博，不肯專精。專家利用，大而無當。且互見、別出之說，研討者不乏其人，施諸史乘書目或收藏書目者蓋寡，學科書目遂爲士林所必須。且編撰學科書目者，往往專治一科，考訂易精，搜羅亦備，甚易查閱。

書林紀要六種，或論藏書之道，或紀流通之法則，或徵訪遺佚，以便傳刻。咸爲書林掌故，亦治目錄者所當知。俱散見於各叢書，篇葉無多，未便單行，合爲一帙，取便省覽。其述一家藏書之源流者，則附藏目之後。

茲編所收，有簡目二種。漢劉向撰別錄，其子歆刪爲七略。清修四庫，輯有總目提要，後又有簡明目錄。並爲世重。蓋書錄篇帙較多，尋閱費時，而或又不附篇目，後人因爲補輯，蓋猶七略與簡明目錄之意。

初編所選，俱爲清代以及近人編著。續編語其種數，則關係宋代者居其半，若計卷帙則尤多。蓋歷代整理典籍，約分三期。漢劉向及子歆校書祕府，彙集衆本，去其複重，勒爲定本。此第一期也。宋人校刊羣書，影響至鉅，合刻史記三家注，刪削索隱正義，索隱幸經汲古閣重刻，得窺全豹，正義吾人遂無從讀其完本。宋人刊書，輒彙校衆本，今其所據校之本不得一見，所傳者其校刊之本耳。此實爲第二期。朱明末葉，習於以己意改書，清儒崇實學，悉心雠校，冀復原書面目，此第三期。是以續編除選錄清人著述數種，以補初編所遺外，

以宋代書目爲中心，蓋亦由近及遠之意。

選印各書，仍仿初編，各冠提要，補輯目次。茲將書目列後：

二一、崇文總目輯釋五卷

宋歐陽修等撰 清錢東垣等輯釋 粵雅堂本

此書爲宋代整理祕府藏書之主要成績，又爲現存官錄最古之一部。敘釋久佚，四庫所輯宋備，錢東垣等旁徵博引，所獲溢出庫本甚多，考證亦更精審。

二二、郡齋讀書志二十卷附志二卷目錄一卷

宋晁公武撰 趙希弁撰附志 清王先謙校刊本

今傳有衢本、袁本之分。各家執此非彼，俱非平情之論。蓋二本各有所長，未可偏廢。王先謙以袁本校衢本，益以通考所引前及人校語。今更以宋淳祐本校於眉端。王氏編有目錄，分注袁本在何類及第若干篇。此本一出，衆本俱可廢矣。

二三、遂初堂書目一卷

宋尤 袤撰 說郛本

於一書輒兼載數本，爲今傳最早分別不同板刻之書目。全庫全書總目稱其爲考證家之所必資。

二四、直齋書錄解題二十二卷

宋陳振孫撰 清武英殿輯永樂大典本

原書僅存殘帙，清盧文弼綴拾叢殘，略復舊觀，亦未見傳本。現惟有武英殿輯大典本，益以通考所引。

梁任公曰：「晁志、陳錄、尤目所載，皆手藏目睹之書，研究宋代載籍者，當視爲主要資料，視史志尤足重也。」

二五、內閣藏書目錄八卷

明張 萱等編 適園叢書本

萬曆三十三年校理纂輯祕府藏書，自正統六年楊士奇輩文淵閣書目後，僅見此目。足以考見明代中祕藏書存亡情形。所著錄方志，間有爲千頃堂書目所未收者。

二六、天祿琳琅書目十卷續編二十卷

清于敏中、彭元瑞等編 清光緒中長沙王氏合刊本

著錄宋、金、元、明累代中祕舊藏，及有清康、雍、乾、嘉四朝次第蒐集善本。目以經史子集爲綱，書以宋、金、元、明刊板朝代爲次。於刊印流傳之時地，鑒賞採擇之源流，並收藏家生平事略，圖記真偽，靡不研討。以鑒賞書畫之體制編書目，後人踵爲之者頗多。

二七、百宋一廬賦注一卷

清顧廣圻撰 黃丕烈注 黃氏寫刊本

黃氏藏書題識，已入初編。於各書均不注明行格，注賦時則備載之。所記百餘種，足補題識之闕失。

二八、皕宋樓藏書志一百二十卷續志四卷

清陸心源撰 十萬卷樓刊本

附皕宋樓藏書源流考一卷 日本島田翰撰 排字本

十萬卷樓所儲與常熟瞿氏，錢塘丁氏，聊城楊氏並稱，惜不能世守，遂東渡不返。此目

備錄宋元人序跋，前人及時賢題識。四庫未收者，略附解題。研究兩宋、金、元之學術著作，此目可取資者實多。

二九、儀顧跋十六卷續跋十六卷

清陸心源撰

此則陸氏讀書之題跋，得五百篇，不限家藏善本，考訂精審。阮元稱晁、陳之後，七百年無此作。武陵余嘉錫氏稱其獨詳撰人生平，深得治目錄學之家法。

三十、適園藏書志十卷

張鈞衡撰 適園刊本

張氏刊有適園叢書十二集七十四種附四種，請繆荃孫助成其事，底本多見於此目，其藏書未能名家，書志則足資考證。藏書今多歸國立中央圖書館。

三一、群碧樓善本書目六卷

三二、寒瘦山瘦山房鬻存善本書目七卷

鄧邦述撰

邦述精於校讎，所藏善本分歸中央研究院及中央圖書館，現俱遷運來臺。是張、鄧二目俱可即目求書。且在兩院館藏書志未編前撰，足爲讀中祕書之一助。

三三、善本書室藏書志簡目不分卷

廣文編譯所編 廣文書局新印本

善本書室藏書志已入初編，以著錄近三千種，不及輯其目錄，茲補錄印入續編。各書備載書名、卷數、撰人，尤詳於板本。分注原書及新排頁次。

三四、刊正九經三傳沿革例一卷

宋岳珂撰 知不足齋本

岳氏刊九經三傳時，凡合家塾所藏之二十三本，反覆校讎，而成是編。共分六類：一字畫、二注文、三音釋、四句讀、五脫簡、六考異。

三五、授經圖二十卷

明朱睦㮮撰 惜陰軒叢書本

詩、書、易、春秋、禮五經各四卷，而附諸經解於卷末。每經各分義例、傳授圖、諸儒

傳略、諸儒著述、附歷代傳注五目，簡要有法，甚便查閱。

三六、經義考目錄八卷校記一卷

羅振玉撰 石印本

清朱彝尊撰經義考三百卷，毛奇齡序稱：非博極羣書，不能有此。然卷帙既富，檢閱不易。羅氏因輯簡目，各書但錄撰人、書名、卷數、存佚。並拾遺糾繆，撰爲校記。

三七、經義考補正十二卷

三八、通志堂經解目錄一卷

清翁方綱撰 粵雅堂本

清人補正經義考者數家，今惟翁氏書存，正訛補闕，凡千餘條。堪爲朱氏功臣。通志堂經解目錄，於各書有簡略解題，足與朱氏經義考相發明。以篇帙無多，因附前書。

三九、史略六卷

宋高似孫撰 古逸叢書本

四〇、子略四卷目錄一卷

宋高似孫撰 四明叢書本

史略中土久佚，楊守敬自日本訪得，刊入古逸叢書。稱其「文詞簡約，而引據精核，多載逸書，實爲讀史家不可闕之書。」子略著錄於四庫，提要稱其頗有考證發明，會粹諸家，所見之本近古，錄存以備考證。

四一、澹生堂藏書約一卷

明祁承燦撰 知不足齋本

四二、流過古書約一卷

清曹溶撰 知不足齋本

四三、徵刻唐宋秘書目一卷

清黃虞稷、周在浚撰 昭代叢書本

四四、藏書紀要一卷

清孫從添撰 士禮居本

右四種均足備書林掌故，散見各叢刻，篇頁無多，茲彙印一帙，用便查閱。
以上凡二十四種附一種三百三十一卷，內一種不分卷。

中華民國五十六年十二月十五日喬衍琯序於望雲樓。

經義攷補正卷第五

文淵閣直閣事內閣學士兼禮部侍郎加一級大興翁方綱

周禮

周官經

史克曰周公制周禮曰則以觀德

按春秋文十八年傳季文子使大史克對公曰先君
周公制周禮曰則以觀德德以處事事以度功功以
食民疏言制周禮曰作誓命曰謂制禮之時有此語
爲此誓耳此非周禮之文亦無誓命之書方綱按疏